

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Tertia. Textus: Ecce alia quinque superlucratus sum. Thema:
Eleemosyna pauperibus domesticis, ac extremè egentibus; maxima est
eleemosyna.

[urn:nbn:de:hbz:466:1-51763](#)

IN FESTO S. NICOLAI
CONCIO TERTIA.

Ecce alia quinque superlucratus sum, Matth. 25.

Textus

Eleemosyna pauperibus domesticis , ac ex-
tremè egentibus elargita, maximum est o-
pus misericordiae , omnibus gratiis divinis
remuneratur.

Thema

Eleemosyna , cuvis obvio pauperi data, placet Deo,
mercedem certam habet, & præmium , eleemosyna
vero pauperibus extremè & occultè egentibus, quales
sunt pauperes domestici , qui ignis sevitia , aquarum
violentia, belli injuria, aut alio quovis infortunio ad ex-
tremam inopiam redacti sunt, præstata , quam maximè Deo placet,
sumè, & omni genere gratiarū remuneratur. Audiamus S. Scripturā:
Cum effuderis antiam tuam esurienti, & animā afflīctam repleve. *Textus SS.*
rus; (quę autē anima magis afflīcta, paupere domestico?) *ortetur in te.* *Scriptura*
nebris lux tua, & tenebra tua erunt sicut meridies , & requiem dabit
tibi Dominus Deus tuus semper, & splendoribus implebit animam tuā,
& ossa tua liberabit, & eris quasi hortus irriguus, & sicut fons aqua-
rum, cuius non deficit aqua. Isaiæ cap. 58. Salomon hortatur
Proverb. 24. Qui trahuntur ad interitum, liberare ne cesses. Et ite-
rum Ecclef. cap. 12. Benefac justo, & invenies retributionem ma-
gnam, eris non ab ipso, certè à Domino. S. Jacobus habet c. 1. Religio
munda, & immaculata apud Deum, & Patrem hæc est, visitare pu-
pillos & viduas in tribulacione eorum. Audiamus etiā: Beati illi, qui
subveniunt miseris, quoniam eis rependitur, ut per misericordem
egenum, de miseria liberentur. S. Augustinus de Serm. Domini.
Beatus qui intelligit super egenum canit David Psal. 40. desuper *SS. Patres.*
Leo Papa Serm. 4. de collectis. *Quid sibi vult hoc intelligere? ad*
intelligendum super egenum & pauperem sollicita benignitate est
vigilandum, ut quem modestia regit, & verecundia præpedit, inve-
nire possumus: sunt enim qui palam poscere, quibus indigent, eru-
bescant. *S. Aug.*
nas. *S. Leo.*

B 3

bescant.

bescunt, & malant miseria tacite egestatis affligi, quām publicē pe-
titione confundi: Intelligendi ergo illi sunt, & ab occultā necessi-
tate reservandi, ut hoc ipso amplius gaudeant, cum & paupertati
S. Ambrosius *eorum consultum fuerit, & pudori; liberandi propter hoc à*
damnatione perpetua, nam in die mala liberabit eos Dominus.
Egregiè S. Ambrosius lib. 2. de officiis c. 26. Videndus est tibi pau-
per, qui te non videt, requirendus ille, qui videri erubescit; clausus
Cassiodorus. *in carcere occurrat tibi, agrotus mentem tuam personet, qui aures*
non habet personare. Optimè Cassiodorus in Psal. 40. Intellige su-
per egenum, qui petenti tribuit, bonum opus efficit, qui verò tacen-
tem intelligit, beatitudinem sine ulla dubitatione conquirit.
Implorata S. Spiritus gratia desuper Conceptus tribuam.

CONCEPTUS I.

Confirmatio. Indubie sibi Michas promittit Judicum cap. 17. largam DEI be-
 nedictionem, & omnia prospera: *Nunc scio, quod benefaciet mihi*
Dominus. Unde scit? quæ merita, quæ bona opera allegat, vi quo-
 rum DEI benedictionem tam securè sibi promittit? adeò merito-
 rum opus Michæ fuit eleemosyna, charitas, quam pauperi Levitæ,
 sponte suâ exhibuit: historia sacra sic habet, *Levites egressus de*
civitate Bethlehem Iuda, peregrinatus est in montem Ephraim, ibi
in domum Miche parumper divertit, quem Michas suavissime sus-
ccepit hospitio, & licet pauper indigens Levita eleemosynam non
peteret, Michas tamen ultrò tribuit: Implevit manum ejus: ob
hanc, pauperi domestico, (qualis Levita erat) liberalē eleemosynam
præstitam, securè sibi promittit Michas: Nunc scio, quod bene-
faciet mihi Dominus. Eleemosynam etiam obvio pauperi præsti-
 tam præmiat DEus, eleemosynam verò pauperi domestico exhibi-
 tam, omnium maximè, ac securissimè DEUS remuneratur mirè be-
 nedicendo, ac beneficiendo. Sic subscriptit S. Ambrosius 2. Offic.
 cap. 16. *Scio enim qui plus contulerunt, plus abundasse;* Pauperi au-
 tem domestico, & extremè egenti dare, consideratis circumstan-
 tiis, plus est dare, major est eleemosyna, ergo plus abundabunt,
 majus præmium referent, pauperum domesticorum qui miserentur,
 ac benefaciunt illis. Testis sit David.

CON-

CONCEPTUS. II.

Summoperè DEUS benefecit David , dum tantum animum ei præstítit, ut adhuc puer pastorius prostraverit magnum illum gigantem Goliath: Tanta fortuna non viribus David , sed speciali gratiæ & adjutorio divino adscribenda est, quæ merita habet David? Allegat méritum Sacra Scriptura 1. Regum. cap.17. *Dixit Isai ad David filium suum: Accipe fratribus tuis Ephi polentæ, & decem panes istos, & curre in castra ad fratres tuos. &c. Surrexit itaq; David mane, &c. & onustus abiit, sicut precepérat ei Isai. sc. David, ut ex textu liquet, non obviis mendicis, sed fratribus hic & nunc in castris (ut sèpius contingit) egentibus, ac domesticis pauperibus opem tulit, panes eis attulit, famem consolatus est, exinde specialem benedictionem meruit, tantam fortunam , & victoriā consecutus est. Hic Conceptus est Rabbani in glossam citatum caput. *David ephi polentæ, id est, trium modiorum mensuram fratribus detulit, Goliath in fronte percussus ruit.* Ergo benignitas, misericordia, eleemosyna, pauperibus domesticis exhibita singulariter ac summè à DEO prœmiatur. Ulterius hoc est expertus David.*

CONCEPTUS III.

Non semel, sed sèpius quām clementissimè à se persequente Rege Saul, conservatus est David , incolumis evasit , mirabiliter se protegentem, adjuvantem manum, & opem divinam expertus est, causalem meritorum David dicitat sacer textus 2. Regum. 22. *Convenierunt ad eum omnes, qui erant in angustiis constituti, & oppressi were alieno, & amaro animo, & factus est eorum Princeps.* Manifestè hic indicatur David pauperum Domesticorum factum esse Patronum, fautorem, & defensorem , & talem specialiter fovet, tuetur Deus, protegit, juvat, defendit. Non potuit invidia Regis Saul iniqua exspectatione non frustrari, dum constat David sublevatis pauperibus communiri. Saul prædator injustus, montes arcta circuit indagine , lustrat curiosis oculis Sylvas , verùm David pauperum patrocinio protectus, omnes clausit iniquitatis conatus, & perversitatis adsultus. Conceptum hunc dicitat Angelomus apud glossam: *Convenierunt ad eum omnes, qui erant in angustia.*

gustia. &c. Tunc ille securus, quasi auxilium ei suisset adjectum, venit ad Regem Moabitarum. Grande David adjiciebatur auxilium, dum pauperes foti, inopes alti, ejus circumcingebant latera, & abigebant pericula. Eleemosyna ergo pauperibus domesticis exhibita pro impenetrabili scuto est contra adversitatum fluctus : *Qui sic alienam redimit calamitatem, obficit sua :* concludit Naxera §. 11.

CONCEPTUS IV.

Prudentissima Abigail per nuncios David penuriam, quam in deserto pateretur, intelligens, *festinavit & tulit ducentos panes, & duos utres vini, & quinque arietes coctos, & quinque sata pollente, & centum ligaturas uva passa. &c.* 1. Regum cap. 25. Haec obtulit David inquiens : *Suscipe benedictionem hanc, quam attulit ancilla tua tibi Domino meo.* Notate: Munera indigenti David oblata, benedictionem vocat ; cur benedictionem ? Benedictio est omnis boni dittatio, munera indigenti oblata Abigail benedictionem vocat, id est, omne bonum, speciales dixitias, honores, ac prosperitates datori afferens. Habet eleemosyna pauperibus domesticis largita, locupletissimum aerarium unde solvat, quidquid egentibus charitas subministrat. Testes produco Berzellai, senem Tobiam, & viduam Sareptanam.

CONCEPTUS V.

Describit lib. 2. Regum cap. 17. quomodo Berzellai David à facie Absolon in desertum fugienti obviam processerit, & adjutorium praefliterit, Regi nunc extremè indigenti necessaria subministraverit. *Et Berzellai Galadites de Rogeli, obtulerunt ei stratoria, & tapetia, & vasa fictilia, frumentum, & hordeum, & farinam. &c. Sufficiat enim sunt populum fame & siti fatigari in deserto.* In hoc capite nulla fit mentio, quod tanta urbanitas, benignitas, misericordia indigenti Regi exhibita, Berzellai remunerata sit, an larga DEI benedictio emansit ? minimè, summoperè, omni modo, & genere DEUS præmiavit, & benedixit : Legatur cap. 19. lib. 2. Regum, hic videre est, quod Scriptura extollat Berzellai grandævam cani-

canitiem, deprædicet divitias, enarret gratias & favores à Rege David collatos. Berzellai quoque Galaudites senex valde, id est, octogenarius, &c. fuit quoque vir dives nimis, &c. dixit itaque Rex ad Berzellai, veni mecum, ut requiescas in Ierusalem. Senem Berzellai Aulam fastidientem, assūmit David Berzellai filium. Mecum transeat Chamaam, & ego faciam ei quidquid tibi placuerit, & omne, quod petieris à me impetrabis. Proiecta senectus, thesauri & divitiae, favor & gratia Regum ac Principum, permagna sunt Dei dona, ac uberes benedictiones; omni modo, in omni genere Berzellai subsidium indigenti Regi præstitum, Deus præmiavit: ita subserbit doctissimus Sanctius in hunc locum: *Fuit hic homo dives, quia Davidi, dum esset in castris, ad militum subsidium magno usui fuit.* Sic enim textus 2. Regum cap. 19. Ipse (Berzellai) præbuit alimonia Regi, dum moraretur in castris. Eleemosyna ergo indigentibus pauperibus domesticis præstata, est tellus illa fertilis, fructus in centuplo benedictionum afferens.

CONCEPTUS VI.

Quantas non Dei benedictiones sensit senex Tobias: Ipse longissima vita fruitur; completis annis centum duobus sepultus est honorificè in Ninive. Tob. 14. Rex Salmanasar Tobiae favebat: Dedit illi Deus gratiam in conspectu Regis Salmanasar, & dedit potestatem quocunque vellet ire, habens libertatem quecunque facere voluisse. Tobiae C. 1. Filius Tobiae Angeli consortio honoratur, census augetur &c. Ingressa est etiam post septem dies Sara uxor filii ejus, & omnis familia sana, & pecora, & camelii, & pecunia multa uxoris, sed & illa pecunia, quam receperat à Gabelo. Tob. 11. Omnes has Dei largas benedictiones Archangelus Raphaël eleemosynis Tobiae adscribit: Eleemosyna à morte liberat, & facit invenire misericordiam, & vitam eternam. Eleemosynæ autem Tobiae erant ad pauperes domesticos, ad cives in captivitate Babylonica, qui sua aliquando optimè habuerunt, nunc autem injuria hostium indigebant. Omnia, qua habere poterat, quotidie concaptivis fratribus &c. impertiret. Tob. cap. 1. & iterum: Tobias quotidie pergebat ad omnem cognitionem suam, & consolabatur eos, d. videturque unicuique, prout poterat, de facultati-

C

bus

bus suis, esurientes alebat, nudisque vestimenta prebebat; & mortuis atque occisis sepulchram sollicitus exhibebat. Eleemosyna ergo pauperibus domesticis exhibita, est omnium felicitatum copiosa vena, est favorum Principum, honorum, divitiarum, ac longae vitae aurifodina.

CONCEPTUS VII.

Orbis stupet ingentem benedictionem, quam liberalissime Deus indulxit mulieri illi, de qua sacra Historia lib. 4. Reg. c. 4. modicas guttas olei, quas residuas habuit, ita Deus ei multiplicavit, ut multa vasā, ac urnas repleverit, quo oleo divendito, exsolvit debita contracta, ac impostorum se, ac filios suos decenter enutrivit: Audiamus Scripturam: Propheta ait ad mulierem: *Dic mihi, quid habes in domo tua? at illa, non habeo ancilla tua quidquam in domo mea, nisi parum olei, quo ungar, cui ait: vade, pete mutuò ab omnibus vicinis tuis vasā vacua non paucā, & ingrediens claudē ostium tuum super te & super filios tuos &c. Igitur itaque mulier, clausit ostium suum super se, & super filios suos, illi offerebant vasā, & illa infundebat; cumque plena fuissent vasā, dixit ad filium, affer mihi adhuc vas, & ille respondit, non habeo, stetitque oleum. Unde hæc mulieri, ac familiae, tam larga benedictio? Secundum Doctores Hebraicos & Latinos, inquit Lyra: Ista mulier fuit uxor Abdias: De Abdias autem legitur 3. Regum, cap. 18. Cum interficeret Jezabel Prophetas Domini, ille tulit centum Prophetas, & abscondit eos quinquagenos, & quinquagenos in speluncis, & pavit eos pane & aqua. Tempore Regis Achab & Jezabel, magna persecutio orta est in Prophetas Domini, qui expulsi Regno exilium patiebantur, verè facti pauperes domestici, hos Abdias cum uxore sua benignè fovit, quantum facultates ejus admittebant, aluit; & hæc eleemosyna exilibus his pauperibus præstata meritum sunt, tam largæ benedictionis, divitias olei affluxus. Sancti in necessitate pasti, mulieri, filisque vasā amplissima mutuarunt, ut opportuna fortiretur auxilia ab iis, quibus misericorditer præstiterat alimenta. Concludit Tilmanus.*

Epilogus.

Jeremias quandam speciem paupertatis, absinthium & fel amarissimum

mum nominat : Recordare paupertatis , & transgressionis mee,
absinthii & fellis. Jerem. cap. 3. Hæc amarissima paupertas , est
domestica paupertas , longè acerbior , amarior , quām mendico-
rum obviorum , longè enim magis dolet , quod mordet intrinse-
cè , quām quod affligit extrinsecè , ast paupertas domestica est do-
lor & afflictio non tam extrinseca , quām intrinseca , rectè ergo
paupertas absinthii & fellis , miseria maxima , & acerbissima ; hu-
jus , hortor cum Jeremias Threnorum 3. Recordare , præ mendicis
obviis , horum miserere , & benedictio pinguis , ac copiosa , tem-
poraliter , & æternū sequetur . Qui intelligit super egenum &
pauperem , canit David Ps.40. Beatus , qui intelligit : inquit Cassio-
dorus hic . Qui eleemosynam tacenti , & solūm suspiriis postulanti
(qualiter solent pauperes domestici) elargitur , occultè egentibus
misericorditer succurrit , beatus est , felix inquam in terris , beatus
in cœlis . Qui petenti tribuit , bonum opus efficit , qui
verò tacentem intelligit , beatitudinem sine ulla
dubitacione conquirit . Conclu-
dit Cassiodorus .



C 2

IN